

圖
經
衍
義
本
草

圖經衍義本草卷之十一

父四

圖經衍義本草卷之十三

父五

本草圖經卷之十一

上海涵芬樓影印正統道藏本

圖經衍義本草

圖經衍義本草卷之十一

父四

宋通直郎辨驗藥材冠宗奠編撰

宋太醫助教辨驗藥材許洪校正

草部上品之下

天名精

明州



天名精味甘寒無毒主瘀血血癢欲死下血

父四

止血利小便除小蟲去痺除骨中結熱止煩
渴逐水大吐下久服輕身耐老一名麥句薑
一名蝦蟇藍一名豕首一名天門精一名工
門精一名菟廬一名蟾蜍蘭一名覲生平原
澤五月採垣衣爲之使



圖經衍義本草

圖經曰天名精生平原川澤今江湖間皆有之夏秋抽條頗如薄荷花紫白色葉如菘菜而小故南人謂之地菘香氣似蘭故名蟾蜍蘭狀如藍故名蝦蟇藍其味甘辛故名麥句薑一名豕首爾雅所謂蒟蒻豕首是也江東人用以熬燭蚕蛹五月採此草既名地菘下品又有地菘藥性論云麥句薑使味辛治瘡止血及鼻衄不止

陶隱居云即今人呼爲豨薺亦名豨首夏

月擣汁服之除熱病味至苦而云甘恐或非是

陳藏器云天名精本經一名麥句薑蘇云鹿活草也爾雅云大鞠蘧麥注云麥句薑蘧麥即今瞿麥然終非麥句薑爾雅注錯

父四

二

如此陶公注鉤樟條云有一草似狼牙氣辛臭名爲地菘人呼爲劉燼草王金瘡言劉燼昔曾用之異苑云青州劉燼宋元嘉中射麇剖五藏以此草塞之蹶然而起燼怪之拔草便倒如此三度燼密錄此草種

之主傷折多愈因以名焉既有活鹿之名
雅與麀事相會陶蘇兩說俱是地菘功狀
既同定非二物

唐本註云鹿活草是也別錄一名天蔓菁
南人名爲地菘味甘辛故有薑稱狀如藍
故名蝦蟇藍香氣似蘭故名蟾蜍蘭主破
血生肌止渴利小便殺三蟲除諸毒腫丁
瘡癩痔金瘡內射身痒癰瘰不止者搯之
立已其豨莠若而臭名精乃辛而香全不
相類

爾雅云蒟藪豕首釋曰藥名也一名麥秋
薑郭云江東豨首可以煨蚕蛹者三蒼云
煨熬也

決明子

决 州



眉州



決明子 味鹹苦甘平微寒無毒主青盲目淫

膚赤白膜眼赤痛淚出療脣口青久服益精

光輕身生龍門川澤石決明生豫章十月十

女四

日採陰乾百日著實為之使惡大麻子

三

圖經曰決明子生龍門川澤今處處有之

人家園圃所蒔夏初生苗高三四尺許根

帶紫色葉似苜蓿而大七月有花黃白花

其子作穗如青菘豆而銳十月十日採陰

乾百日

藥性論云決明臣利五藏常可作菜食之
又除肝家熱朝朝取一匙按令淨空心吞
之百日夜見光

陶隱居云龍門乃在長安北今處處有之
葉如苙苙子形似馬蹄呼爲馬蹄決明用
之當擣細又別有草決明是萋蒿子在下
品中也

日華子云馬蹄決明助肝氣益精水調末
塗消腫毒協太陽穴治頭痛又貼腦心止

鼻洪作枕勝黑豆治頭風明目也

禹錫云按唐本云石決明是蚌蛤類形似紫目附見別出在魚獸條中皆主明目故並有決明之名俗方惟以療眼也道術時須

父四

四

蜀本圖經云葉似苜蓿而闊大夏花秋生子作角實似馬蹄俗名馬蹄決明今出廣州桂州十月採子陰乾

外臺祕要方治積年失明不識人決明子二升杵散食後以粥飲服方寸匕

衍義曰決明子苗高四五尺春亦爲蔬秋
深結角其子生角中如羊腎今湖南北人
家園圃所種甚多或在村野或成段種蜀
本圖經曰葉似苜蓿而闊大甚爲允當

丹參



隨州

丹參

味甘微寒無毒主心腹邪氣腸鳴幽幽如走水寒熱積聚破癥除瘕止煩滿益氣着血去心腹痼疾結氣腰脊強脚痺除風邪留熱久服利人一名郗蟬草一名赤參一名木羊乳生桐柏山川谷及太山五月採根暴乾

畏鹹水反藜蘆

父四

五

圖經曰丹參生桐柏山川谷及太山今陝西河東州郡及隨州亦有之二月生苗高一尺許莖斡方稜青色葉生相對如薄荷而有毛三月開花紅紫色似蘇花根赤大

如指長亦尺餘一苗數根五月採暴乾又
云冬月採者良夏月採者虛惡

藥性論云丹參臣平能治脚弱疼痺主中
惡治百邪鬼魅腹痛氣作聲音鳴吼能定
精神

陶隱居云桐栢山在義陽非江東臨海之
桐栢也今近道處處有莖方有毛紫花時
人呼爲逐馬酒漬飲之療風痺道家時有
用處時人服多眼赤故應性熱今云微寒
恐爲謬矣

日華子云養神定志通利閑脉治冷熱勞
骨節疼痛四肢不遂排膿止痛生肌長肉
破宿血補新生血安生胎落死胎止血崩
帶下調婦人經脉不勻血邪心煩惡瘡疥
癬癭贅腫毒丹毒頭痛赤眼熱溫狂悶又

名山參

蕭炳云酒浸服之治風軟脚可逐奔馬故
名奔馬草曾用有效

聖惠方治寒疾小腹及陰中相引痛白汗
出欲死丹參二兩杵爲散每服熱酒調下

二錢七

千金方治落胎身下有血丹參十二兩以酒五升煮取二升溫服一升溫三服

梅師方治中熱油及火燒除外痛丹參八兩細剉以水微調取羊脂二斤煎三上三

下以傅瘡上肘後方同

茜根



父四

六